

Te Heheuraa Api

E ITE I'A OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALEZIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

No 3

-- MATI 1950 --

MAT. 37.

E PARAU NA TE PERESITENI NO TE EKALEZIA

TE TAHI MAU PARAU NO TE MATAHITI API.

Tei mua ia tatou nei te hoê matahiti apî e te haamauruuru nei au i to'u Metua i te ao ra, mai roto roa mai i to'u nei aau, no to'u tiaraa i roto i te Ekalesia nei tei horoahia e ana te i'oa o ta'na ra Tamaiti, o Iesu Mesia.

Te haamauruuru nei au ia'na no te aratairaa tei tae mai ia tatou nei na roto i te mau heheuraa tei horoahia mai i teie nei Ekalesia, e i roto i te reira te haamana'o nei au i te hoê tufaa no te pene 28 no te II Nephi tei faaite mai i te mau parau i raro nei:

Oia ia, e parau te taata e rave rahi e, A amu, a inu e ia oaoa, area râ, a mata'u i te Atua, e faatia hoi oia ia oe i te veraa i te hara iti. . . (II Nephi 28:7-8)

Eaha ia te reira huru mana'o—oia hoi e faatihia te hara iti! Area i roto i te heheuraa matamua tei horoahia mai i roto i te Buka Fafau eite tatou i teie mau parau: *Eita roa vau, te Fatu, e hi'o i te hara ma te faatia i te hoê a'e vahi iti.* (Buka Fafau 1:31)

Noa'tura i te reira te vai nei te tahi pae o te parau e, eita roa to tatou Metua i te ao ra e haapeapea noa a'e. Area ia tai'o noa tatou i te parau i roto i te II Nephi e ite faahou tatou:

Oia ia, a haavare rii, a faahapa i te tahi no ta'na ra parau.

A feruri maitai na i te reira, te parau riirii a te enemi ra ia haavare rii. Noa'tu ua haavarehia no nia i te hoê taata, no nia i te hoê haapaoraa faaroo, te hoê ohipa imiraa faufaa, e a ore râ, te hoê amuiraa politita, na te haavare i parauhia e titiro i te taata tei parau i te reira, e te vai ra te mahana e aufau ai oia no te ino i ravehia e ana ra.

Oia ia, a haavare rii, a faahapa i te tahi no ta'na parau, a ô i te apoo no to oe taata tupu; e ere te reira i te hara. A rave hoi i teie mau mea atoa, ananahi e pohe ai tatou; e mau te mea e hara ta tatou, e papai mai te Atua ia tatou i te tairirao iti, e i te hopea ra, e faaorahia'i tatou i te basileia o te Atua. (II Nephi 28:8)

O te reira ta te enemi o te parau-tia e parau nei i te tamarii a te taata nei. O Satane te reira o te haere nei e haaviu i te mau taata atoa o tei tuu i te reira i roto i te aau o te mau taata te tia ia'na ia na reira. O te reira ia te huru o te haapiiraa e haapurarahia nei na nia i te fenua nei e te mau taata tei mana'o e, o ratou mau ia te aratai o te taata i nia i te parau-tia ra. Area ra, ia outou nei, te mau taeae e te mau tuahine, ua tuuhia mai te utu'a i nia ia outou ia patoi atu outou i te reira mau mea, ia ite atu outou i te reira i te paraurahia.

E tai'o faahou â tatou:

Oia ia, e na riera hoi te taata e rave rahi i te haapii i te parau haavare e te faufaa ore, e te madmaa hoi; e faaahaahia ratou i to ratou aau, e e imi maite ratou ia huna i ta ratou mau parau i te Fatu; e ei roto i te pouri ra ta ratou mau ohipa.

E i te hopea:

E te tahi pae, e faahau oia ia ratou, e e faataoto hoi ia ratou i te taoto hau roa, e parau ai ratou e, E maitai to Ziona, e maitai to'na; e na reira te diabololo i te haavare i to ratou varua, e te aratai maite atu hoi ia ratou i raro i hade.

E inaha, e taparu atura oia i te tahi pae, e te parau atura oia ia ratou e, Aita e hade: e te na ô atura oia ia ratou e, E ere vau i te diabololo, aita roa hoi e diabololo; e na reira oia i te parau riirii i to ratou tari'a, ia tapea oia ia ratou i to'na mau fifi riari'a, aita roa e ora i te reira.

Oia ia, ia tapeahia ratou i te pohe, e i hade; e ia tia te pohe, e hade, e te diabololo e tei tapeahia i te reira ra, i mua i te terono o te Atua, e ia haavâhia mai te au i ta ratou ohipa e tia'i. (II Nephi 28:21-23)

O te parau te reira na te hoê Peropheta a te Fatu, tei parauhia i na hanere matahiti e rave rahi i mairi a'enei, no nia i te mau mea e vai ra i roto i teie nei ao, e te faaite atu nei au ia outou e, te vai mau nei te reira huru peu i teie mau tau ta tatou e ora nei. E i roto i to'u tiaraa taeae no outou, te tiaoro atu nei au ia outou e, i roto i to outou tiaraa melo maitai no te Ekalesia a te Arenio a te Atua, ia patoi outou te mau faahemaraa a te enemi, e te reira, i roto i to outou mau utuafare e i te mau vahi atoa ta outou e haere e haapii, na roto i te hoho'a mau o te parau-tia. A hi'o maitai outou ia haapurara-maitai-hia te mau haapiiraa a te Fatu i roto i te aau o te mau taata atoa ta outou e farerei, e ia haere mai ratou i roto i to outou mau utuafare, ia oaoa ratou i te mau haamaitairaa te noaa mai na roto i te riroraa ei hoa no to'na Varua Mo'a,

Ua ite au e, teie ohipa ta tatou e rave nei, o te ohipa ia a te Atua. Area râ, ua ite atoa vau e, te vai ara noa nei te enemi; na fatata roa to'na hopea, no reira te faahope nei oia i to'na puai i roto i te imiraa i te mau ravea no te haapouri i te mata o te tamarii a te taata nei.

I roto i teie nei mau tau peapea, a rahi ai te taata i roto i te ati rahi, tei imi i te oaoa e tei ore i te reira, teie ia te ravea otahi roa ra ta'u e horoa nei ia tupu te oaoa: **A haapao i te mau faaueraa a te Fatu.**

I roto i to tatou tiaraa melo no teie nei Ekalesia eiaha roa tatou e imi i te otoheraa no tatou, mai te mau taata o te ao nei, tei ore i haapii-papu-hia e tei ore hoi i haroaroa maitai.

No reira, e te mau tia i no nia i te pare o Ziona, a imi outou i te ravea ia ore outou ia otohe i te ohipa i faataahia na outou. A haapao maitai ia ore outou e fariu ê atu i te mau maitai tei tuuhia mai i mua ia tatou e to tatou Metua i te ao ra.

A haere ana'e tatou i mua, a tauturu ana'e i to tatou mau taata tupu ma te titau noa i to ratou afairaahia i nia e to ratou haamaitairaahia, ma te afai atu i te evanelia na roto i te mau ravea te ore roa e naeahia e te enemi.

A imi i te ravea ia noaa ia outou te Varua o te Atua e a tapea i te reira. E te ravea ana'e e vai nei no te tapearaa i te reira o te oraraa ia i pihaiho ia'na ra, e na roto i te haapaoraa i ta'na mau faaueraa. Te ravea ana'e e vai nei ia vai te hau, i nia i te fenua nei, o te e'a ia o te Evanelia a Iesu Mesia, to taton Fatu. Aita'tu e e'a e vai nei.

Tihoti Arapa Semita.

EDITORIAL

O VAI MAU O IESU MESIA?

A haamata'i tatou i te haere atu i roto i te hoê matahiti apî te tiaturi nei tatou e, e riro te reira ei matahiti oaoa, te manuia e te hau hoi.

A haamata'i tatou i te tere atu i roto i te reira, e mea tia roa ia imi tatou i te Varua o te Mesia e ia rave tatou i te reira, i nia ia tatou, i roto i te mau ava'e e haere mai nei. Aita e oaoa e faito i te oaoa te noaa mai na roto i te Mesia, aita e hau mai ta'na no te mea, *Eita e tia ia haroaroa* i te hau e noaa mai no ô mai ia'na ra. Te parururaa e te manuiaraa te noaa mai, i te taata tataitahi ra, e i te mau nunaa atoa ra tei faaroo ia'na ra, ua hau atu ia i te mau mea te tia ia horoahia mai e te taata noa nei. Na'na i horoa mai i te mau mea atoa ra. No reira a rave ana'e, ia tatou, to'na Varua a haere atu ai tatou na roto i te matahiti 1950.

E te ravea e noaa mai ai to'na varua, o teie ia, ia noaa te ite mau, ia tatou, no'na ra, no reira e mea tia ia haapapu maitai tatou i te reira.

O vai o Iesu? E orometua rahi anei oia tei tae mai e 2.000 matahiti i mairi a'enei? Ua rave rahi te taata, i teie anotau, tei tuu ia'na i roto i te nanairaa taata tuiroo mai ia Confucius, ia Boudha, e a ore râ, ia Mahomet. E ia tai'ohia mai te i'oa o te mau taata tuiroo o te ao nei, e mea varavra roa to'na i'oa i te faahiti hia. Ua riro anei te reira peu ei tamataraa i te faahaehaaraa ia'na i raro, i te iritiraa'tu i to'na huru atua ra, e te faafaito ia'na i te mau taata tuiroo, e a ore râ, i te mau orometua rarahi? Ia tatou nei, ua navai anei ta tatou faaturaraa ia'na ia aparau tatou no'na ra, e a ore râ, te pee atoa nei anei tatou i te pen o to te ao nei e te faahaehaa nei tatou ia'na i te faito o te mau taata tuiroo ra?

E mea tia roa ia tuuhia mai, i mua ia tatou, te parau e, o vai mau o Iesu no Nazareta? E ere oia i te hoê ainu noa iho tei fanauhia i roto i te vairaa matie, tei paari mai te taata paari e te rabi ra. E ere oia i te hoê orometua rahi tei faahuru e i te feruriraa o te taata nei. O te Atua oia.

Na Iesu teie nei ao, e te mau ao e rave rahi ta tatou e ite nei, i hamani e *Aita te hoê mea e vai nei tei ore i hamanihia*

no te oraraa i nia i te fenua nei.)

Area, taua taata ra, tei faaea noa ma te faatau, tei haamau'a noa i to'na taime, tei ore i rave i te ohipa maitai no'na iho, e no to'na mau taeae, e no to'na ra Atua, eita roa ia oia e riro ei tamarii no te ai'a.

Mai te mea aita te hoê tane, e a ore râ, te hoê vahine i haapao i te mau mea atoa--i ore i haere na te e'a tei au i te mana'o e i te hinaaro o te Atua, eaha'tura ia te hopea no to raua hanahana i roto i to'na ra basileia? A mana'o noa'tu ai raua i te rave i te mau mea tia i to raua haereraa, e a farii ai raua i te tahi mau peapea rii i te raveraa i te reira, ua amumu raua no te reira, e noaa anei ia raua to raua hanahana? Te parau atu nei au, eita roa. Ua parau o Iosepha eita te reira e noaa ia raua, e ua na ô atoa mai o Birigama eita, e ua parau atoa mai te Atua, eita roa.

Ia haamata ana'e te hoê tane, e te hoê vahine, tei tomo i roto i te mau oro'a mo'a e ua haamatahia raua i te hi'o inohia e to te ao nei, e na te tahi pae o te mau Feia Mo'a maitatai, i te parahi e te hi'opoa i te hapehape o vetahi e ia amumu no te reira, eita roa e noaa ia raua te hanahana te noaa ia raua ahiri aita raua i na reira.

A rave i te e'a afaro, e te mau taeae, e a patu i te basileia o te Atua, e i reira e maitai ia te mau mea atoa ia outou na, e e riro te mau mea atoa ei maitai no outou.

E mea au roa na'u ia ite ia outou i te raveraa i te mea tia e ia riro outou ei feia faaroo tei rave itoito i te ohipa maitai i te mau mahana atoa ra, ma te titau ore ia amo to outou mau taeae ia outou i nia i to ratou mau tapano, e ia ore hoi ia faahapo i te Ekalesia, e i to outou mau taeae hoi ma te taituri atoa e, e aroha mai ratou ia outou, e a ore râ, ia faatei tei ia outou.

I to outou mana'oraa, e ô anei te reira huru taata i roto i te basileia tiretiera a te Atua ia faakaronohia? Eita roa; no te mea mai te mea te vai ra te reira varua i roto ia'na, i te tino nei, o to'na ihoa ia huru ia tae i te ao varua ra.

Heber C. Kimball.

O VAI MAU E EAHA RA MAU TE MELAHI?

NA roto i te mau mâroraahahi tei tupu no nia i te parau ra e, o vai e eaha mau ra te melahi, te nenei nei matou i te parau tei papaihia e Tihare W. PENROSE no nia i te reira.

Ahiri te mau taata imi parau e imi ana te mau ravea atoa no te faatano maitai i te mau parau papai e te mau parau a te mau taata tei ûrûhia, mai ta ratou e rave nei no te imiraa i te hapehape i roto i te reira, e ore roa ia te mau mâroraahahi e rave rahi. Te rahiraa o te mau mâroraahahi a te mau taata faaroo ore, e te feruriraa papu ore o te mau feia mârô, o te hopea ia o te tahi mau faaotiraa tei ravehia na roto i te rû noa.

A rave na i te parau tei papaihia i roto i te Buka Fafau 129:1 tei na ô mai e, te mau melahi ra o te mau taata tei noaa ia ratou te tia-faahou-raa. Area râ i roto i te reira parau aita roa i parauhia mai e, te mau melahi atoa ra, e mau taata ia tei noa ia ratou te tia-faahou-raa mai tei mana'ohia e te tahi mau taata, e ia hi'o noa'tu, o te reira ia te tumu no te mau fifi no nia i te reira vahi. I roto i taua parau i faahitihia ra te faahitihia ra te parau no na huru mea e piti ra, oia hoi, tei tia faahou, e te piti ra, te mau varua tei ore â i tia faahou. Aita ra i parau papuhia, i reira, aita anei e vai nei te tahi atu huru taata i roto i te ra'i ra, area râ ua parau noa hia i teie na huru e piti ra.

e ana ra. O te reira te hoê parau rahi te tia ia haamau-papuhia i roto i to tatou mau feruriraa. Eita roa e tia i te hoê ormetua, noa'tu to'na roo rahi, ia hamani i teie nei ao e te mau mea atoa i roto ra. Area râ ua na reira o Iesu no te mea e Atua oia. E melo oia no te Atuaraa, e a ore râ, te Torutahi. Ua amuihia oia, i roto i te reira Torutahiraa, i to'na Metua, e Atua atoa hoi, e i te Varua Maitai. I raro a'e i te faatereraa o to'na Metua o Oia te Atua o teie nei ao e na'na atoa hoi te reira i hamani. O Oia te Faaora e te Taraehara o te taata nei tei ora i nia i teie nei ao, e o oia te taata tei faatia i te opuaraa ora ia tia ia noaa te tiamâraa i nia a'e i te pohe na roto i te tia-faahouraa, e te hanahana i roto i te manbasileia mure ore ra.

O Iesu Mesia ra, o Iehova ihoa ia. O oia te Atua o Adamu, o Noa, o Aberahama, Isaaka e o Iakoba e to Iseraela atoa ra. I to'na parauraa ia Mose ua faaite mai oia e, o Iehova to'na ra i'oa (Exodo 6) e ua fâ vau ia *Aberahama, ia Isaaka e ia Iakoba*, e ua *horoa atoa vau i ta'u mau fafau ia ratou ra*. Ua faaite Oia e, o ta'na te reira opuaraa i te iriti mai i te tamarii o Iseraela no roto mai ia Aiphiti e ia aratai atu ia ratou i te hoê fenua ta'na i horoa, na roto i te fafau, na Aberahama, na Isaaka e na Iakoba. Ua parau faahou o oia i muri iho e, *E rave au ia outou ei nunaa taa ê na'u iho e e riro vau ei Atua no outou*. O te reira te huru o te mau parau a Iehova, e o Iehova ra o Iesu Mesia ia.

A tia'i taua Iehova ra, te Atua o Mose, e to Iseraela atoa hoi, i nia i te mou'a Sinai ra, ua aueue te reira e ua ama oia *mai te umu ra* no te hanahana rahi tei faaati ia'na ra. Noa'tura i te reira o taua Iesu iho ra tei fanauhia i roto i te vai-raa matie.

Ua fâ mai te Fatu i te taeae o Iareda, i te tau no te Parei Babela ra, e ua faaite mai ia'na e, o Iesu Mesia to'na ra i'oa. I te avatea o te mau rau ra ua parau faahou mai â oia, ia

Nephi
mai ai

Taua
matie
oia ia t
Oia ma
Atua il
ra. Ar
ia faaa
ia Iosep
tei ham
reira.

Ua n
outou te
e horoa
hau atu
tatou at
roto i te

Eita

O

E

outou re
outou i
ne, i rot
roa i ra

Eaha,
mau fau
ravea ia

Nephi i taua taime ra, e ua na ô mai i te poipoi a'e oia e tae mai ai i roto i teie nei ao.

Taua Iehova rahi ra, o oia tei fanauhia i roto i te vairaa matie ra. Taua Atua o Aberahama, o Isaaka e o Iakoba, o oia ia tei riro ei aiu no Betelehemara. E orometua rahi anei? Oia mau, ua riro oia ei orometua rahi mau no te mea o te Atua iho oia, tei hau atu i te paari e tei ite i te mau mea atoa ra. Area ra, i roto i taua tiaraa orometua rahi, eita roa e tia ia faaauhia oia ia Confucius, ia Boudha, ia Mose, e a ore râ, ia Iosepha Semita. O Iesu ra, o te Atua ia i te ra'i ra, o Oia tei hamani i te mau mea atoa ra. A haamana'o noa tatou i te reira.

Ua na ô mai ta'na poroi ra: *A haere mai outou ia'u nei, o outou te rave nei i te ohipa, o outou tei teiaha roa, no te mea e horoa vau i te hau no outou.* Taua hau ra, o te hau ia tei hau atu i te mau haroaroaraa. Te vai nei te reira i mua ia tatou atoa, tei iti roa e tei rahi atoa hoi. E noaa te reira na roto i te hoê noa iho ravea—**te haapaoraa i te ture.**

Eita Roa te Taata E Faautu'ahia No Te Ohipa Tei Ore I Ravehia E Ana Ra.

Eita roa outou e farii i le hoê utu'a rahi a'e i te ohipa i ravehia e outou na; e noa'tu i te mea i ravehia e outou ra, e utu'a tei faataahia no te reira, e e farii mau ihoa outou i te reira; area râ, eita roa te hoê tane, e te hoê vahine, i roto i te ao tiretiera, e farii i te utu'a no te ohipa tei ore roa i ravehia e raua ra.

Eaha, i to outou mana'oraa, e opere anei te Fatu i ta'na mau faufaa i te tamarii a te taata nei ia ore ratou ia imi i te ravea ia noaa te hoê tiaraa iti no ratou ra? (Te parau nei au

Ia tapirihia te reira mau parau i te mau papairaa tahito, e te mea apî hoi, e itehia, ma te papu roa, te vai atura te tahi huru taata ê i teie e piti i parauhia nei i roto i te mau mea e vai ra i te ra'i ra. Ua ite te mau feia tei haapii papu i te mau parau mo'a e, te vai ra te mau mea maitatai roa tei parauhia e atua, tei nia a'e ratou i te melahi (B. F. 132:16-20) e na riro hoi te mau melahi ei tavini no ratou. E i roto i te mau atua te vai ra na taata tei riro ei upoo faatere, oia hoi, te Torutahi tei parahi i mua roa ia ratou.

Ua rave rahi te ohipa e te parahiraa o te mau melahi. Ua parauhia o Mihaela ei *Arii melahi* (B. F. 29:26; Daniela 10:12) Te tahi pae o ratou ra ua tia-faahou-mai ia, mai te melahi tei tonohia mai ia Ioane ra (Apokalupo 22:8-9) e tei parauhia i roto i te B. F. 132, e te tahi pae o ratou ra e mau *varua tavini raverave tei tonohia mai no te tautururaa i te mau feia te riro ei mau tamarii no te ai'a ra.* (Hebera 1:14) Ua faaitehia mai e, te tahi pae o taua mau melahi ra, *o te varua ia o te mau taata parau-tia tei haamaitai-roa-hia e aita ratou i tia-faahou-mai,* e te tahi atu pae ra ua faarirohia ratou ei mau tavini raverave hou to ratou tomoraa i roto i te tino pohe noa nei, no te taviniraa'tu i to ratou mau taeae i roto i te ao varua ra. Ua riro te Mesia ei varua raverave hou to'na fanauraahia i te ao nei. *Ua faatahinuhia oia i nia a'e i to'na mau taeae.* Ua riro te Melahi ra o Gabriela ei varua raverave i muri a'e i to'na riroraa ei taata i te tino nei (Noa), e te reira i muri a'e i to'na tia-faahou-raa, no te mea o Iesu no Nazareta ra o *Oia tei riro ei hotu matamua no tei taoto ra.* (Luka 1:11-30; Daniela 8:16; 9:21)

E mau ye'a na te Atua te mau melahi, noa'tu i te huru o to ratou raveraa, i roto i te huru varua tei ore â te tino i roa, i roto i te vahi te au ia ratou ia rave, e a ore râ, i roto i te huru varua tei noaa te tino, e a ore râ, i roto i te huru taata tei faahuru ê hia, e a ore râ, i roto i to ratou huru i muri iho

i te tia-faahou-raa. E mau raverave ohipa ratou na te Atua, mai te au i te faito o to ratou mau ite, mana e te puai, i raro a'e i te faatereraa o te hoê mau feia tei hau atu i te mana ia ratou ra, e tei haapao i te mau ture no te mau ao ta ratou e parahi ra. O Eliaha, raua o Mose, tei fâ mai i nia i te mou'a e taata oia tei faahuru ê hia; o Mose ra, i te reira taima, e taata tei faahuru ê hia paha, e a ore râ, e varua raverave oia tei tavini i te **Fatu**; ua rave raua i te reira ohipa i roto i to raua tiaraa melahi. (**Luka 9:23-33**) E mea papu ua fâ mai te mau taata o **Enoha**, tei faa tahitihia, ei melahi, i te mau patereareha mai tei papaihia i roto i te Genese.

I te tahi mau taima ua horoahia, i te mau melahi mana rahi, te tia ia rave i te mana ia mono i te Atuaraa. Ua fâ mai ratou e ua ite-mau-hia ratou. . . . mai te mau ve'a o te mau arii o te pae tino nei, mai tei papaihia i roto i te parau tuatapapa o te ao nei. E te melahi tei parauhia i roto i te **Exodo 23:20-22**, o te hoê ia o ratou. Mai te reira atoa te melahi tei parauhia a'enei, tei fâ mai ia Ioane i nia i te motu ra o Patamo, ua rave oia i te i'oa, e te tiaraa, o te Tamaiti a te Atua. (**Apokalupo 1:1**)

E haavare te parau i matauhia ra tei parau e, e pererau to te melahi, no te mea ua mana'o te taata i te reira na roto i te papai tei na ô mai e, *ua itehia ratou i te maueraa na roto i te reva*. Eita atoa e tia ia amuihia, i rotopu i te mau melahi, te mau cherubi e te mau seraphi tei parauhia e Ezekielia, no te mea hoê â te nanairaa tupuna to te melahi e to te taata nei, i roto i te varua, e a ore râ, i roto i te tino nei, e na roto i te reira aita i tia ia vai to ratou pererau no te mau'e mai te manua ra. No roto mai ratou i te utuafare o te Atua ra, mai te au i te huru o to ratou haereraa i mua ra *mai te au i te ho'ho'a mau* o tei teitei roa ra.

Te vai atoa ra te mau melahi tei hi'a, tei tiavaruhia no to ratou hararaa, mai tei faaitehia i roto i te parau a Iuda, i te

irava 5, e tei rahi i rotopu ia ratou ra, o Lucifera, oia hoi o Satane, tei tamata, i te mau taima e rave rahi, ia fâ mai e *melahi no te maramarama*, no te haavare e te aratai ê atu i te taata, e tei faahema i te Tamaiti a te Atua, area râ aita oia i manuia i roto i te reira raverâa, mai ta'na i manuia ore ia Mose e i te Peropheta ra o Iosepha Semita. (Luka 4:1-13; Mose 1:12-22; Buka Fafau 128:20)

E melahi taua taata ra, na te Atua, i roto i to'na ai'a ma tamua, e aita i noaa ia'na te tino i'o e te ivi i reira, area râ e mana rahi to'na i mua i te aro o te Atua, i roto i te huru varua, hou oia a tiavaru ê hia mai ai i raro nei, (Buka Fafau 76:25-28)

Na roto i te reira e noaa mai ai ia tatou te ite e, e ere te mau melahi atoa i te mau taata tei tia-faahou-mai, e aita hoi i parauhia te reira parau. Aita roa e vahi huru ê, e te fifi, i roto i te mau heheuraa tei horoahia mai, no nia i te mau melahi, e te parau faaite tei faaitohia i roto i te Buka Fafau 130:5. I roto i te parau matamua aita roa i parauhia mai e ua tavini mai te tahi mau melahi no te tahi ao ê atu i nia i te fenua nei. Teie te huru o te parau i parauhia mai: *Aita roa e melahi e tavini ruverave mai, i nia i te ao nei, maori râ tei faataahia, e a ore râ, tei parahi i nia iho ia'na.* E parau mau roa te reira no nia i te mau tau tuuraa evanelia i pau a'ene e uo teie nei atoa hoi. Te melahi tei parau mai ia Adamu mai te Faaora iho, a pûpû ai oia i te tusia, e mea papu roa *ua faataahia oia no te ao nei*, no reira oia i farii ai i te huru te au maitai no to'na toro'a *tavini ruverave* i te haamatarâa. O Aberahama, Ieremia, e te tahi atu â mau taata maitatai, tei ore roa te i'oa i faahitihia te i'oa i roto i te mau parau mo'a, tei roto ratou i *tei rahi e tei maitai*, tei maitihia hou to ratou fanauraahia i nia i te fenua nei, no te tahi ohipa, e tei Teitei roa ra. Ua *faataahia ratou no te fenua nei* i roto i to ratou mau tau e to ratou mau tiaraa, e ua itehia hoi ratou.

E ohipa maitai te imiraa i roto i te mau parau mo'a e ia ravehia te reira no te imiraa i te parau maitai, e mea tia roa ia tauturuhia te reira. Area râ, ia ravehia te reira na roto i te varua tiaturi ore e no te faatupuraa i te mârora e te papu ore i nia i te ûrûraa o te mau peropheta no te tau tahito, e to teie tau atoa hoi, e ere ia i te ohipa maitai, e ohipa ino roa ia. Ia imi tatou i roto i te parau mau, eiaha tatou e imi i te parau noa iho, e imi râ tatou i te mana'o tei tuuhia i roto i te reira mau papairaa ra, no te mea, te mau parau e tai'ohia meli, e iritiraa ana'e te reira no roto mai i te tahi mau reo ê atu, no reira eiaha tatou e faaoti oioi noa i to tatou mau mana'o . . . na te parau e haapohe, area te varua e horoa mai ia i te ora. (II Korinetia 3:6)

Papaiahia e Tihare W. Penrose.

Ta Tatou Ohipa.

Q Vai te nunaa tei fafauhia e te Fatu? A mârô noa hia'i i nia i te reira parau, i te mau tau e rave ra-
hi, ua vai noa te papu-ore-raa i roto i te feruriraa o te taata.
I te matamua ua fafau te Fatu i ta'na fafau ia Aberahama, Isaaka e Iakoba, e na faataehia te reira mau fafau i nia i to ratou ra mau huaai. Ua parau atoahia e, na opu hoê ahuru ma piti o Iseraela ra, o ratou te nunaa ta te Fatu i fafau i te parau, e teie te parau mau, ua na reirahia na roto i to ratou mau tupuna o Aberahama, o Isaaka e o Iakoba.
Ua riro te mau Feia Mo'a no te Mau Mahana Hopea Nei i nunaa tei faaauhia i te fafau e te Fatu. Ua riro atoa ratou e tahi ohi tamarii ai'a i te mau fafau tei tuuhia mai na roto ia Aberahama, ia Isaaka e ia Iakobai area râ ua riro atoa ratou ei mau feia i fafauhia na roto i te tahi mau tumu ê atu. Ua fafau ratou, ta taitahi, no ratou iho.

E mea nahea ta ratou fafauraa? Te haamana'o nei anei ratou i ta ratou mau fafau?

I to tatou tomoraa i roto i te pape no te baptizoraa ua fafau atu tatou, i te Fatu, e tavini tatou ia'na ma te haapao i ta'na mau faaueraa. I roto i to'na faaiteraa i te huru mau o te taata te au ia baptizohia ua na ô mai te Fatu, i roto i te Buka Fafau 20:37: "Te mau taata atoa o te faahaehaa ia ratou iho i mua i te aro o te Atua e tei hinaaro ia baptizohia, e o te haere mai ma te mafatu haehaa e te varua tatara-hapa mau, e tei faaite, i mua i te aro o te Ekalesia, ua tatara-hapa mau ratou i ta ratou mau hara, e te hinaaro nei ratou i te rave i te i'oa o Iesu Mesia i nia iho ia ratou ra, ma te hinaaro papu mau i te tavini ia'na e tae noa'tu i te hopea, e tei faaite, na roto i ta ratou mau ohipa, ua farii ratou i te varua o te Mesia i roto i te faaore-raa-hia o ta ratou mau hara, e mea tia ia baptizohia ratou i roto i teie Ekalesia."

Ua na ô atoa mai o Birigama Youne no nia i taua vahi ra: "Te tomo nei te mau Feia Mo'a i roto i teie fafaurau api mure ore ia tomo ratou i roto i teie Ekalesia. Te fafau nei ratou e, e faaea ratou i te paturu atu i te basileia o te diabol e te mau basileia o teie nei ao. Te tomo nei ratou i roto i te hoê fafauraa mure ore api no te patururaa i te basileia o te Atua, eiaha ra i te tahi basileia ê atu. Te horeo nei ratou i mua i te aro o te ra'i, e te fenua nei, e te reira no to ratou iho oraraa, e paturu ratou i te parau mau e te parau-tia, eiaha ra i te ino e te haavare, e ia patu ratou i te basileia o te Atua, eiaha ra te mau basileia o teie nei ao."

I te mau taime atoa a rave ai tatou i te oro'a o te Fatu te fafau nei tatou i te Fatu e tavini tatou ia'na e e haapao tatou i ta'na ra mau faaueraa.

Ia farii tatou i te hoê toro'a, i roto i te Autahu'araa Mo'a te amui nei tatou i roto i tei parauhia te fafau a te Autahu'araa. Teie te tufaa a te Fatu i roto i te reira fafauraa, ma

te mea e haapao tatou, e horoa mai oia i te taatoaraa o te mau mea i vai ia'na ra. Teie ia ta tatou tufaa: "Ia ora outou i te mau parau atoa te haere mai, no roto mai i te vaha o te Atua ra. No te mea, te mau parau a te H'atu, o te parau mau ana'e ia, e te parau mau ra o te maramarama ia, e te maramarama ra o te varua ia, oia mau, te varua o Iesu Mesia." (Buka Fafau 84:34-35)

E mea tia roa, i te mau melo no te Ekalesia, ia hi'opoa maitai ratou i te huru o to ratou oraraa no te hi'oraa e, te haapao nei anei ratou i ta ratou mau fafau. No to tatou iho tura te reira. E riro tatou ei feia faaturahia ia haapao tatou i ta tatou mau parau faaau, e tei hau roa'tu i rotopu i te reira, te mau parau ta tatou i faaau e te Atua.

E mea tia ia ani tatou, ia tatou iho, ua here mau anei tatou i te Atua, a pure ai tatou, e a ore râ, a haapao ai tatou i te mau faaneraa mai te haapaoraa i te Mahana Sabati, te haapaoraa i te Parau Paari, e te oreraa e haavare, e eiâ, e te rave faufaa ore noa i te i'oa o te Fatu, e te tahi atu â mau peu auraa ore ra. E mea tia ia uiui tatou, ia tatou iho e, te aufau nei anei tatou i ta tatou Tufaa Ahuru, e te aufau nei anei tatou i ta tatou mau moni oro'a ra. Tei ia tatou te haapapu e, te turu nei anei tatou i te mau feia toro'a i roto i te Ekalesia nei. E mea tia ia uiui tatou, ia tatou iho, te tauturu nei anei tatou i te paturaa ia Ziona na roto i te raveraa i te mau tufaa ohipa i horoahia mai na tatou i roto i te Amaa ta tatou e parahi nei.

Ua haapii mai te Fatu e, e mata na tatou i te imi i te basileia o te Atua e ta'na parau-tia ra. Ua parau mai oia ia tatou e, eiaha to tatou ei Atua ê atu ia'na ra. No reira e mea tia roa ia tuu roa tatou i te Atua i mua roa i roto i to tatou nei oraraa. O te reira te ravea no te haapaoraa i ta tatou mau fafau.

Maitihia.

TE HAERE NEI TE EKALESIA I MUA

Te Mau Fare Pureraa Apî.

Mai te ava'e Titema i mairi a'enei e tae noa mai i te ava'e no Tenuare i mairi a'enei ua tomohia e pae fare Pureraa apî, na te Ekalesia nei, i te fenua Holane, e e toru i te mau tufaa fenua i America, e ua haamatahia te paturaa o na fare e piti i te fenua America. Na te reira e faaite mai ia tatou e, te haere noa ra te ohipa a te Fatu i mua, i te mau fenua atoa o te ao nei tei taeahia e te mau Orometua.

I te Fenua Bresil.

I te ava'e no Titema i mairi a'enei ua haere te pupu Basketball no te Haapiiraa teitei no te Ekalesia, i Utaha, i te hoê tere faaati hautiraa popo i te fenua Bresil, America apatoa, e mai te au i te mau parau i faaitehia ra, ua farii-maitai-roa hia ratou i to ratou teretereraa i roto i taua fenua ra. Ua mauruuru roa te mau taata faatere ohipa Basketball i taua fenua ra no te maitai o te hautiraa o taua pupu no te Ekalesia ra e na roto i te reira ua tupu te au-maitai-raa i rotopu i te taata o taua fenua ra. I muri iho i to taua pupu basketball hautiraa i na hautiraa e hoê ahuru ra faarue atura ratou i taua fenua ra no te haere atu i te fenua Peru no te farerei atu i te mau taata o taua fenua ra.

Te Evanelia i Rotopu i te Mau Initia.

I roto i te mau ve'a no na ava'e i mairi a'enei te faaitehia ra te manua roa nei te Ekalesia i rotopu i te mau taata Initia no America. Te farii nei ratou i te Evanelia ma te ite e, te mau taata tei parauhia i roto i te Buka a Moromona ra, o to ratou ihoa mau hui tupuna. I te tahi mau vahi ua faaitehia te tahi mau Amaa, e Initia ana'e te mau melo, maori râ te tahi mau taata faatere ia ratou, e i te hi'oraa ra e mea itoito roa ratou i te haapaoraa i ta ratou mau ohipa.

Te Haere Nei te Ekalesia i te Rahiraa.

I tele nei ua faatiahia te hoê Amaa, no te Ekalesia, i te fenua ra o Costa Rica na roto i te bapetizoraahia o na taata too ono, i taua fenua ra, i te ava'e no Titema i mairi a'enei.

I roto i te mau Misioni, tei vai i roto i te Hau America iho, ua bapetizohia e 6.000 taata i roto i te matahiti i mairi a'enei, ua tomohia e 27 fare pureraa apî i roto i te reira mau Misioni, e te patuhia nei e 59 fare apî, e na te faanavairaa te mau fare te haamatahia nei te haaputuraa moni no te paturaa i na fare e 188 i roto i taua mau Misioni ra.